

蠙衣生馬記

郭子章輯

中華書局

蠟衣生馬記

此據寶顏堂祕笈
本排印初編各叢
書僅有此本

馬記序

韓退之曰。千里馬常有。伯樂不常有。予不謂然。馬之千里。人之聖也。攬轡舒節。凌雲光蟠。歷塊過都。瞬息八極者。千里馬也。智識二儀。才擅萬物。見本知末。觀指覩歸者。聖人也。如曰。千里馬常有。伯樂不常有。是云聖人常有。識聖人者不常有也。千里一士。百世一聖。聖人果常有乎。知聖人則知馬矣。周穆王時。天子主車。則造父爲御。太內爲右。栢天主車。則參伯爲御。奔戎爲右。僅得八駿。東漢之末。善相馬者有西河子輿。子輿傳西河儀長孺。長孺傳茂陵丁君都。君都傳成紀楊子阿。子阿傳馬伏波文淵。然有鼓銅鑄馬。未覩實驥。由是言之。伯樂千里馬。孰爲常有。子曰。不患人之不己知。患其不能也。夫馬何患伯樂之不知哉。患不千里耳。於是采古今名馬爲記二卷。上卷自伏羲至我國朝帝王公侯所馭者。得一百六十條。下卷據傳記載者。得四十條。秦和郭子章記。

蟻衣生馬記

秦和郭子章輯

馬記上

龍馬澤馬吉良朱鬣

伏羲時龍馬負圖出河。遂則其文以畫八卦。瑞應圖曰：龍馬仁馬。河水之精也。高八尺五寸。長頸。體上有翼。旁垂毛。鳴聲九音。有明主則見。一本曰：王者不誅馬。則龍馬乘黃。澤馬朱鬣並集。澤馬一曰吉良。山海經曰：大封國有文馬。縞身朱鬣。名曰吉良。乘之壽千歲。神異記：西海有白馬朱鬣。河伯使者乘之如飛。所至之國。雨水滂沱。

飛黃乘黃

淮南子曰：黃帝治天下。飛黃服皂。高誘曰：飛黃如狐。背上有角。日行萬里。乘之壽三千歲。韓愈曰：飛黃騰踏去。不能顧蟾蜍。應劭曰：乘黃龍翼馬身。黃帝乘之而仙。瑞應圖曰：乘黃者王者輿服有度則出。司馬相如封禪文招翠黃乘龍於招注。翠黃乘黃也。漢書禮樂志：紫黃何其不狹下。紫黃卽翠黃也。呂氏春秋曰：乘雅作駕。寒衰作御。

唐龍

蟻衣生馬記

尚書中候曰。堯時龍馬銜甲赤文綠。臨壇上甲似龜。廣袤九尺。圓理平。上五色文。有列星之分。斗政之度。帝王興亡之數。

虞乘黃

漢禮樂志。舜時景星出。房地出乘黃之馬。

神馬騰黃吉光驪褒飛兔馱蹄

孝經援神契曰。德至山林則澤出神馬。瑞應圖曰。騰黃者神馬也。其色黃。王者德御四方則至。一名吉光。乘之壽三千歲。此馬無死時。驪褒與飛兔同。以明君有德則至。飛兔日行三萬里。禹治水土勤勞。天應其德。至馱蹄者后土之獸也。自能言語。王者仁孝於民則出。禹治水有功。至漢書音義曰。驪褒神馬也。亦喙黑身。宋志曰。漢元和中騰黃見邵國。

方澤

隨巢子云。夏后氏興。方澤馬出。

九代雨龍

山海經曰。大樂之野。夏后啓於此。舞九代馬。乘雨龍。文選王元長序。夏后雨龍。載驅塔臺之上。注曰。夏后啓有馬號爲雨龍。乘游塔臺。以饗諸侯。

驪翰驪駱蕃蔽

記曰夏戎事乘驪殷乘翰周乘騶夏駱馬黑鬣殷白馬黑首周黃馬蕃鬣疏曰魯有三代之馬騶驪馬而白腹者也武王伐紂用之詩曰牧野洋洋檀車煌煌騶駼彭彭蓋武王常以是勝紂赤色黑鬣騶驪馬白腹騶

青龍遺風

伊尹說湯曰青龍之匹遺風之乘

野馬駒駼駼駼

汲冢書曰伊尹爲四正令正北請令以野馬駒駼駼駼爲獻爾雅曰野馬如馬而小出塞外山海經曰北海內有獸狀如馬名駒駼色青故馬之良者取以爲名說文曰駼駼馬父驢母也故傳稱駼駼生三日而超其母桑御史言武帝平伯越以爲固闢駒駼駼駼實於外廄

雞曰

尚書大傳曰散宜生之犬戎氏取美馬驄身朱鬣雞曰者取九六焉陳於紂之庭紂出見之還而觀之曰此何人也散宜生遂趨而進曰五蕃之臣昌之使者

駒虞雞斯

淮南子散宜生得駒虞雞斯之乘○駒虞馬之似駒虞者

吉黃

周書曰犬戎之馬赤鬣白身日若黃金名曰燭吉黃之乘成王時來獻或曰文王時獻之

宗馬

晉輿服志成王之會壇垂陰羽五方之盛有貢八十物宗馬烏旌奚往不格

雖馬

汲冢周書王會解俞人雖馬注俞東北夷雖馬馮如馬一角

八駿

拾遺記曰周穆王馭八龍之駿一名絕地足不踐土二名翻羽行越飛禽三名奔宵夜行萬里四名越影逐日而行五名踰輝毛色炳耀六名超光一形十影七名騰霧乘雲而奔八名挾翼身有肉翅遞而駕焉按轡徐行以匝天地之域穆天子傳天子命駕八駿之乘右服藹駟而左騶駟右騶赤龍而左白鰲天子主車造父爲御藹駟爲右次車之乘右服渠黃而左輪輪右騶盜驪而左山子栢天主車參伯爲御奔戎爲右至于黃澤官樂諡曰黃之池其馬歟沙皇人威儀皇之澤其馬歟玉皇人壽穀○藹音華龍音驥藥音義藹音泰藹音丙

騊駼綠耳盜驪騊駼纖離

水經注湖水出桃林塞之夸父山其中多野馬造父于此得騊駼綠耳盜驪騊駼乘以獻周穆王使之馭以見西王母荀子曰騊駼騊駼纖離綠耳古之良馬也魏文帝以纖離馬遺吳○騊駼馬文如博基

穆天子傳。壬戌天子至於雷首。犬戎觴天子雷首之阿。乃獻良馬四六。

翠龍

楊雄河東賦注師古曰翠龍穆天子所乘馬也

駟馬

魯頌駟篇。頌僖公也。駟。駟牡馬。在坰之野。薄言駟者。有騶有驄。有驪有黃。有騅有𩇑。有騂有珣。有驎有駒。

玉馬玉澤

瑞應圖曰。玉馬者。王者清明尊賢則至。一本曰。玉澤馬者。師曠時來。

屈乘

左傳晉獻將伐虢。荀息請以屈產之乘。垂棘之璧。假道于虞。公曰。此晉寶也。荀息曰。是取中府藏外府。取中廐藏外廐也。晉與虞。荀息牽馬操璧前曰。璧則猶是。馬齒加長矣。

閑筋

晉柳問曰。晉國名馬。堅骨闌筋。注一筋從玄中出。謂之闌筋。玄中謂目上痕如井字。闌筋堅者千里。黃存仁龍馬賦曰。闌筋參情。

駁

爾雅曰駟白駁。徐鉉曰：疑象駁文。晉侯乘駁，乳虎見之而服，則象駁之文，理成然也。駁亦馬之上色，故古者國君乘之。詩所謂隰有六駁者，字从交，作字說曰：駁類馬食虎，而虎食馬，凡類己也，而能除害己者在所交也，則駁非此駁也。

小駟六駟

左傳：晉乘小駟，鄭入也。慶鄭曰：今鄭異產，以從戎事，及懼而變，將與人易，亂外強內乾，進退不能，周旋不能。又晉程鄭爲乘馬御，六駟屬焉，使訓羣駟知禮。

駟駟

左傳：唐成公有兩駟駟馬，一云肅霜馬色如霜紈。

文馬

左傳：宋人以文馬百駟贈華元於鄭。

朱巖

左傳：宋公子地有白馬四，公嬖向魋魋欲之，公知其尾鬣以與之。

啓服

左傳：衛侯來獻其乘馬，曰啓服。

騊駼

秦風小戎文茵暢轂，駕我騊駼。四牡孔阜，六轡在手。騊駼是中，騊駼是騊。騊駼孔羣，公矛鋌錐。黃馬黑喙，曰騊。今之淺黃色馬也。宋明帝以騊字旁似禍，改作駟。史稱文帝騊馬，脊有肉紋，行則先作弄四星。

代馬

史記蘇秦傳：燕車六百乘，騎六千匹；趙車千乘，騎萬匹；魏車六百乘，騎五千匹；楚車千乘，騎萬匹。秦北有代馬，戰國策蘇厲說趙曰：代馬胡駒。

騊駼

韓非子曰：秦穆公起卒革車五百乘，騊駼二千，步卒五百萬，輔重耳入於晉。○騊等也，言齊等。

沙丘

伯樂對秦穆公曰：臣有所與九方皋，其於馬非臣之比也。穆公見之，使行求馬。三月而反，報曰：已得之矣。在沙丘，牝而黃。公使人往取之，牡而騊。公召伯樂曰：子之所使求馬者，色物牝牡，尙弗能知，又何馬之能知也。伯樂曰：若皋之所觀天機也，得其精，忘其粗；在其內而忘其外。馬至，果天下之馬也。

秦七馬

古今注曰：秦始皇有七名馬，一曰追風，二曰白兔，三曰躡景，四曰追電，五曰飛翺，六曰銅爵，七曰晨鳧。秦異

搜神記。昔秦人築武州城。將成而崩者數焉。忽有馬馳走。周旋反覆。人異之。依以築成。遂名馬邑。

生角

游歷記。燕太子丹質於秦。求歸。秦曰。待烏頭白。馬生角。乃歸。太子仰天哭。感烏頭白。馬生角。王大驚。遣歸。

楚騶

史記。項王駿馬名騶。常騎。日行千里。及敗至烏江。謂亭長曰。吾騎此馬五歲。所當無敵。不忍殺。以賜公。

梟騎

帝紀。高祖五年。漢北燕人來致梟騎助漢。

九逸

西京雜記。漢文帝自代還。有良馬九匹。皆天下駿足也。名曰。浮雲。赤電。絕羣。逸驃。紫燕。騶龍。子驎。駒。絕塵。號九逸。有來宜能御選注。紫燕騶一名飛燕騶。

漢千里

賈捐之傳。孝文時有獻千里馬者。詔曰。朕乘馬獨先安之。還馬與道里費。詔曰。朕不受獻也。令四方毋獻。建武十三年。異國有獻名馬者。日行千里。

烏孫天西極汗血

張騫傳。元狩中得烏孫馬好。名曰大馬。及得宛汗血馬益壯。更名烏孫馬曰西極馬。宛馬曰天馬。應劭曰。

大宛舊有天馬蹄石。汗從馬前肩轉出如血。一日千里。武紀太初四年。貳師將軍李廣利斬大宛王首。獲汗血馬來。作西極天馬之歌。

宛天

宛王蟬封與漢約。歲獻天馬二匹。孟康曰。言大宛國有高山。其上有馬不可得。因取五色母馬置其下。與集生駒皆汗血。因號天馬云。

漢余吾水渥洼水

武紀元狩二年夏。馬生余吾水中。在朔方北。元鼎四年秋。馬生渥洼水中。注南陽新野有暴利長。當武帝時遭刑。屯田敦煌。鳳數於此水旁。見羣野馬中有奇者。與凡馬異。來飲此水。利長先作土人持勒絆於水旁。後馬既玩習之。遂持勒絆收得其馬獻之。欲神異此馬。云從水中出。

蕭稍

神異經大宛有良馬。鬣至膝尾垂於地。名曰蕭稍。謂尾之長者蕭稍。然搖動可起朔風。

騊駼

郊祀志往用騊駼。師古曰。騊赤馬黑鬣尾也。

龍友龍媒龍秋籟雲

漢書禮樂志。龍爲友。師古曰。唯龍可爲之友耳。又曰。天馬來龍之媒。應邵曰。言天馬者。乃神龍之類。今天

馬已來。此龍必至之效也。又曰。飛龍秋。蘇林曰。秋飛貌也。師古曰。莊子有秋駕之法者。亦言駕馬騰驤秋秋然也。又曰。籥浮雲。蘇林曰。籥音躡。言天馬上躡浮雲也。

醴駟

食貨志。自天子不能具醴駟。師古曰。醴不雜也。醴一作均。

昆驪

漢百官表。昆驪令丞。應劭曰。昆驪好馬名也。爾雅曰。駟蹄駟善陸。注。駟山形似駟。上大下小。駟蹄蹄如駟而健上山。秦時有駟蹄苑。驪音銳。

游駟

子虛賦。射游駟。張揖曰。猶如馬一角。不角者曰駟。毛詩傳曰。青黑曰駟。駟蒼艾色。一曰馬青驪文如博菴也。

象龍

馮奉世傳。宣帝時至大宛。得名馬象龍而還。師古曰。言馬形似龍者。

步景

洞冥記曰。東方朔遊吉雲之地。得神馬高九尺。股有旄毛如日月之狀。如月者夜光。如日者晝光。毛色隨四時之變。西王母稅此于芝田。因食芝田之草。東王公乘之清津。因騎而返。繞日三匝入漢關。馬上睡眼。

不覺而至。名步景。

齧鄰

王褒傳。駕齧鄰。孟康曰。良馬低頭口至鄰。故曰齧鄰。

鮑氏聽

漢鮑宣與子永孫豈俱爲司隸。皆乘驄馬。歌曰。鮑氏聽。三入司隸。再入公。

驪奚

前何奴傳。其奇畜則秦佗驪奚。韻府曰。騶駼驪奚皆良馬也。驪音頗。

小步

西域傳。西域小步馬。孟康曰。種小能步也。師古曰。小細也。細步言其能蹀足。卽今所謂百步千跡也。豈謂其小種乎。

黃門四駿

西域贊。蒲稍龍文。魚目汗血之馬。克於黃門注。孟康曰。四駿馬名。

大驪

光武以所乘大驪賜孝忠。

中盧

後郡國志南郡中盧良馬注襄陽耆舊傳曰縣西山中有一道漢時常有數百匹馬出其中馬形皆小似巴滇馬。

桓驄

後漢桓典爲御史是時宦者執政典無所迴避常乘驄馬京師畏憚爲之詩曰行行且止避驄馬御史。

游龍

後漢書明德馬后過躍龍門上見外家起居者車如流水馬如游龍。

穢國果下

魏志曰穢國出果下馬漢時獻之高三尺。

赤兔

曹操傳呂布有駿馬名赤兔常騎乘之時人爲之語曰人中有呂布馬中有赤兔。

月題的額白額的盧白駒

皆白額馬也韻注月題當額如月形者莊子曰齊之以月題易曰其於馬也爲的額詩曰有車鄰鄰有馬白額一也俗曰戴星馬也馬政論曰額上有白毛謂之的盧又曰準上有旋毛及白毛者謂之的吻凶俗云的盧非也劉備避樊城之難過檀溪謂所乘馬的盧曰今日急不可不努力馬達備意一躍三丈又庾亮所乘馬名的盧殷浩以爲不利主勸市之亮曰豈有己之不利移之人者詩曰皎皎白駒在彼空谷。

後漢書曹公所乘馬名絕影。

拾遺記曹洪與魏武所乘之馬名曰白鶴時人諺曰憑空虛躍曹家白鶴

魏志文帝與孫權書曰。國雖饒馬。其知名絕足亦時有耳。

魏志陳思王表文帝曰臣於武皇帝世得大宛紫騮馬一匹教令習拜

古今注曰曹真有駿馬名驚帆言其馳驟烈風舉帆之疾也古飄字從馬從風真之名馬亦有義焉

晉武帝泰始六年九月大宛獻汗血馬。

晉孝武帝太元十四年。寧州刺史費統言。晉寧郡滇池縣兩神馬。一黑一白。盤戲河水之上。水經注。滇池。中神馬。家馬交之。則生駿駒。日行五百里。典略曰。神馬。河水之精。